

Na osnovu člana 32. Zakona o ustanovama (Službeni list RBiH broj 6/92, 8/93, 13/94), člana 29. Pravila Javne ustanove Terapijske zajednice-Kampus Kantona Sarajevo, direktor podnosi slijedeći:

IZVJEŠTAJ O RADU DIREKTORA

Javne ustanove Terapijske zajednice - Kampus Kantona Sarajevo za period 01.01.2021. godine do 31.12.2021. godine

U skladu sa ovlaštenjima i odgovornostima utvrđenim u Zakonu o ustanovama (Službeni list BIH broj: 6/92, 8/93 i 13/94) članom 29. Pravila JU Terapijska zajednica – Kampus Kantona (u daljem tekstu: Kampus) u periodu od 01.01. do 31.12.2021. godine, direktor je obavljao slijedeće poslove i zadatke:

- organizovao i rukovodio radom Kampusa,
- zastupao i predstavljao Kampus prema trećim licima,
- predlagao Upravnom odboru mjere za efikasno i zakonito obavljanje djelatnosti radi koje je Kampus osnovan,
- predlagao Upravnom odboru opšte akte Kampusa,
- predlagao Upravnom odboru godišnje programe rada, planove rada i razvoja,
- izvršavao odluke Upravnog odbora,
- odlučivao o pravima, obavezama i odgovornostima zaposlenika iz radnog odnosa,
- podnosio Upravnom odboru Izvještaj o radu Kampusa,
- vršio i druge poslove u skladu sa Zakonom i Pravilima Ustanove.

U ime Javne ustanove Terapijske zajednice - Kampus Kantona Srajevo, direktor je zastupao i predstavljao Kampus, zaključivao sve ugovore i vršio druge pravne radnje, te zastupao Kampus pred institucijama zakonodavne i izvršne vlasti, kao i pred drugim ustanovama, udruženjima, općinskim i kantonalnim organima, humanitarnim organizacijama i pojedincima.

U skladu sa članom 39. Pravila JU Terapijska zajednica – Kampus Kantona, direktor Kampusa, kao organ rukovođenja i organizovanja radom Ustanove, je rukovodio radom Kampusa koji u svom sastavu ima 5 (pet) organizacionih jedinica - službi. U navedenim službama u 2021. godini poslove i radne zadatke je izvršavalo ukupno 59 radnika na neodređeno vrijeme, 7 radnika na određeno vrijeme primljenih putem programa zapošljavanja preko Službe za zapošljavanje Kantona Sarajevo.

Rad sa Upravnim i Nadzornim odborom u Kampusu

U funkciji organa rukovođenja ustanove direktor je prisustvovao sjednicama Upravnog odbora Kampusa, na kojima je redovno podnosio periodične izvještaje o radu i informacije o planiranim aktivnostima za naredni period.

Na taj način Upravni odbor je upoznat sa aktivnostima i sadržajem rada direktora i značajnijih dešavanja u Kampusu.

Akti koji su usvojeni u navedenom periodu za 2021. godinu:

- Izvještaj komisije o izvršenoj inventuri – prvi,
- Donošenje i usvajanje Etičkog Kodeksa,
- Pravilnik o korištenju službenih vozila,
- Pravilnik o korištenju službenog telefona,
- Pravilnik o kućnom redu,
- Pravilnik o prijemu i otpustu korisnika,
- Pravilnik o radnom vremenu,
- Pravilnik o testiranju na psihoaktivne supstance,
- Stavljanje van snage Pravilnika o procedurama za provođenje tretmana u Kampusu,
- Izvještaj o radu Upravnog odbora za 2020. godinu,
- Izvještaj o radu Nadzornog odbora za 2020. godinu
- Usvajanje Programa rada i Finansijskog plana Kampusa,
- Informacija o predaji Finansijskog izvještaja za period od 01.01.2020. do 31.12.2020. godine,
- Izvještaj o radu direktora sa finansijskim izvještajem za 2020. godinu,
- Usvajanje plana Javnih nabavki za 2021. godinu,
- Donošenje nove Odluke o usvajanju Program rada Javne ustanove Terapijska zajednica Kampus Kantona Sarajevo za 2021. godinu,
- Donošenje nove Odluke o usvajanju Finansijski plan za 2021. godinu u Javnoj ustanovi
- Donošenje i usvajanje prvih izmjena i dopuna Plana javnih nabavki za 2021. godinu,
- Donošenje pravilnika o korištenju službenog telefona
- Davanje saglasnosti na Odluku o preraspodjeli sredstva iz Budžeta za 2021. godinu
- Informacija o periodičnom izvještaju o izvršenju Budžeta Kantona Sarajevo za JU Terapijsku zajednicu –Kampus Kanton Sarajevo za period od 01.01.2021.-30.09.2021. godine
- Donošenje i usvajanje drugih izmjena i dopuna Plana Javnih nabavki za 2021.
- Usvajanje Izmjena i dopuna Finansijskog plana za 2021. godinu
- Prijedlog sadnje i plasteničke proizvodnje za 2022. godinu
- Zahtjev za internu preraspodjelu sredstava iz Budžeta za 2021 godinu

Podneseni su periodični tromjesečni izvještaji o izvršenju finansijskog plana Ustanove i dostavljeni nadležnim organima na dalju proceduru u zakonom predviđenim rokovima.

Kontinuirano je vršeno praćenje, usmjeravanje i kontrola izvršenja radnih zadataka zaposlenika kroz mjesečne operativne planove rada po izvršiocima, te mjesečne izvještaje o radu uposlenika i službi Kampusu.

Sve aktivnosti navedene u Izvještaju o radu sa izvještajem o finansijskom Kampusu za 2021. godinu su provedene u organizaciji organa rukovođenja, neposrednim vršenjem određenih aktivnosti ili organizovanjem, rukovođenjem, praćenjem, usmjeravanjem, kontrolisanjem, predstavljanjem i izvještavanjem o pojedinačnim aktivnostima u skladu sa Zakonom i unutrašnjim aktima Ustanove.

Nisam prisustvovao na sjednicama Nadzornog odbora koji je ranije imenovan Rješenjem Vlade Kantona Sarajevo broj: 02-04-19851-18.2/20 od 11.06.2020. godine. Za v.d. predsjednika i v.d. članove Nadzornog odbora JU Terapijska zajednica-Kampus Kantona Sarajevo bili su imenovani:

1. Almir Isović, v.d. predsjednik
2. Julija Popović-Lojo, v.d. članica
3. Izet Crnovršanin, v.d. član (iz reda stručnih radnika zaposlenih u Ustanovi).

Ovaj saziv nije održao ni jednu sjednicu.

Rješenjem Vlade Kantona Sarajevo broj: 02-04-17793-6.2/21 od 13.04.2021. godine za v.d. predsjednika i v.d. članove Nadzornog odbora JU Terapijska zajednica-Kampus Kantona Sarajevo imenovani su:

1. Amra Fišo, v.d. predsjednica
2. Faruk Bradarić, v.d. član
3. Admira Spahić, v.d. članica (iz reda stručnih radnika zaposlenih u Ustanovi)

Pomenuti saziv je održao samo jednu konstituirajuću sjednicu.

Rješenjem Vlade Kantona Sarajevo broj: 02-04-29941-30.2/21 od 05.08.2021. godine za predsjednicu i članove Nadzornog odbora JU Terapijska zajednica-Kampus Kantona Sarajevo imenovani su na mandat od četiri godine slijedeći članovi:

1. Amra Fišo, predsjednica
2. Faruk Bradarić, član.

U redovnoj proceduri nije imenovan treći član nadzornog odbora, te je Vlada Kantona Sarajevo dana 21.10.2021. godine na svojoj 47. sjednici Rješenjem broj 02-04-38556-34/21 imenovala Sulejmana Dupovca za člana (iz reda stručnih radnika zaposlenih u Ustanovi).

Imenovani saziv je održao samo jednu konstituirajuću sjednicu.

Kao direktor prisustvovao sam na svim sjednicama Upravnog odbora i bio predlagatelj za donošenje novih pravilnika i drugih Odluka koje je bilo neophodno donjeti kako bi se neometano odvijao rad u Kampusu.

U 2021. godini Upravni odbor je djelovao kroz tri sastava.

Prvi sastav upravnog odbora Javne ustanove Terapijska zajednica – Kampus Kantona Sarajevo, koji je djelovao od 11.06.2020.godine. Vlada Kantona Sarajevo je na 20. sjednici održanoj dana 11.06.2020. godine sa rješenjem 02-04-19851-19.1/20 imenovala vršioce dužnosti predsjednika i članova Upravnog odbora Javne ustanove Terapijska zajednica – Kampus Kantona Sarajevo.

Upravni odbor djelovao je u slijedećem sastavu:

1. Nihad Bajramović, v.d. predsjednik,
2. Ajla Omerović, v.d. član,
3. Sead Numanović, v.d. član,
4. Sulejman Dupovac, v.d. član (iz reda stručnih uposlenika u ustanovi),
5. Amir Mehinović, v.d. član (iz reda stručnih uposlenika u ustanovi).

Imenovani saziv je u periodu od 01.01.2021 godine do 13.04.2021. godine održao do dana razrješenja ukupno 3 sjednice.

Ovaj saziv je razrješen Rješenjem broj 02-04-17793-7.1/21 dana 13.04.2021. godine.

Drugi sastav Upravnog odbora Javne ustanove Terapijska zajednica – Kampus Kantona Sarajevo, koji je djelovao od 13.04.2021.godine. Vlada Kantona Sarajevo je na 55. vanrednoj sjednici održanoj dana 13.04.2021. godine sa rješenjem 02-04-17793-7.2/21 imenovala vršioce dužnosti predsjednika i članova Upravnog odbora Javne ustanove Terapijska zajednica – Kampus Kantona Sarajevo.

Upravni odbor djelovao je u slijedećem sastavu:

1. Fikreta Mulaosmanović - Smajić, v.d. predsjednica,
2. Sanela Baljak, v.d. član,
3. Senadeta Omerbašić, v.d. član,
4. Almir Mesić, v.d. član (iz reda stručnih uposlenika u ustanovi),
5. Adis Hadžić, v.d. član (iz reda stručnih uposlenika u ustanovi).

Imenovani saziv je u djelovao u periodu od 13.04.2021. godine do 05.08.2021. godine i za to vrijeme su održali ukupno 4 sjednice.

Ovaj saziv je razrješen Rješenjem broj 02-04-29941-23.1/21 dana 05.08.2021. godine.

Treći sastav Upravnog odbora Javne ustanove Terapijska zajednica – Kampus Kantona Sarajevo, koji je djelovao od 05.08.2021.godine. Vlada Kantona Sarajevo je na 35. sjednici održanoj dana 05.08.2021. godine sa rješenjem 02-04-29941-23.2/21 imenovala predsjednika i članova Upravnog odbora Javne ustanove Terapijska zajednica – Kampus Kantona Sarajevo.

Upravni odbor djelovao je u slijedećem sastavu:

1. Fikreta Mulaosmanović - Smajić, predsjednica,
2. Sanela Baljak, član,
3. Hemnalina Lihovac - Čičko, član,
4. Almir Mesić, član (iz reda stručnih uposlenika u ustanovi),
5. Adis Hadžić, član (iz reda stručnih uposlenika u ustanovi).

Imenovani saziv je u periodu od 05.08.2021. godine do 31.12.2021. godine održao ukupno 4 sjednice.

Naknada članovima Upravnog odbora je utvrđena Odlukom Vlade Kantona Sarajevo o utvrđivanju mjesečne naknade predsjedniku i članovima upravnih odbora i predsjedniku i članovima nadzornih odbora javnih ustanova iz oblasti socijalne zaštite te su u skladu sa tim bili i isplaćivani.

U toku 2021. godine obavljani su sljedeći inspekcijски nadzori nad radom Ustanove:

- u februaru 2021. godine izvršen je nadzor inspektorata za zaštitu od požara. Tom prilikom

inspektor je utvrdio da Kampus obavlja svoje obaveze u skladu sa zakonom.

- u februaru 2021. godine izvršen kontrolni nadzor od strane resornog ministarstva iz sektora za finansijsko-računovodstvene i pravne poslove. Preporuka je bila da ustanova postupi u skladu sa Uredbom o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo.
- u februaru 2021. godine izvršen je kontrolni nadzor inspektorata rada, zaštite na radu i socijalne zaštite. Tom prilikom inspektor je utvrdio sa Kampus obavlja svoje obaveze u skladu sa zakonom.
- u decembru 2021. godine izvršen kontrolni nadzor od strane resornog ministarstva iz sektora za finansijsko-računovodstvene i pravne poslove. Prilikom kontrole na uvid su se tražile matične knjige, evidencije o boravku korisnika i pružnju usluga u javnim ustanovama Kantona Sarajevo. Prilikom ove kontrole ustanovljeno je da Kampus obavlja svoje obaveze u skladu sa zakonima.

Suradnja sa drugim institucijama

Prilikom provođenja programa tretmana planirana je i ostvarena saradnja sa različitim institucijama iz oblasti socijalne i zdravstvene zaštite, te sa obrazovnim i drugim ustanovama i institucijama. Aktivnosti su realizovane u ograničenom kapacitetu zbog promijenjenih okolnosti usljed pandemije COVID-19. Pored toga, Kampus su posjetili predstavnici različitih institucija i organizacija, kako bi se upoznali sa našim radom. Također, predstavnici Kampusa su posjećivali druge ustanove i organizacije radi uspostavljanja saradnje i razmjene iskustava.

Obzirom da određeni broj korisnika ima u toku krivične postupke zbog djela koji su počinili za vrijeme konzumiranja psihoaktivnih supstanci, nastavljena saradnja sa nadležnim sudovima i tužilaštvima. Sudove i tužilaštva upoznajemo sa radom naše Ustanove, njenim programom i metodama rada i napretkom korisnika u tretmanu. Uvidom u dokumentaciju korisnika usluga ustanove, za (6) šest korisnika je vođen ili je sudski proces bio pokrenut pred nadležnim sudom u Sarajevu.

Bitno je naglasiti da je u 2021. godini nastavljena saradnja sa KPZ Zenica i KPZ Sarajevo u cilju organizovanja motivacijskih grupa za ulaskom u tretman za osuđenike sa problemom ovisnosti. Tokom 2021. godine nastavljena je saradnja sa resornim ministarstvom, ali i drugim ministarstvima i ustanovama iz oblasti socijalne zaštite, te zdravstvenim, obrazovnim i visokoškolskim ustanovama kao i sa terapijskim zajednicama i nevladinim sektorom. Ugovor o saradnji potpisan je sa Fakultetom političkih nauka Univerziteta u Sarajevu – odsjek socijalni rad, kojim se reguliše obavljanje studentske prakse u Kampusu. Ustanove sa kojim je nastavljena ili uspostavljena saradnja su:

- Ministarstvo za rad, socijalnu politiku, raseljena lica i izbjeglice Kantona Sarajevo
- Psihijatrijska bolnica Kantona Sarajevo

- KJU Odgojni centar Kantona Sarajevo
- KJU Dom za djecu bez roditeljskog staranja Sarajevo
- KJU Porodično Savjetovalište
- JU „Kantonalni Centar za socijalni rad“ Sarajevo
- JU Služba za zapošljavanje Kantona Sarajevo
- Udruženje studenata psihologije „Sinapsa“
- Ministarstvo pravde i uprave Kantona Sarajevo
- Ministarstvo za obrazovanje, nauku i mlade Kantona Sarajevo
- Ministarstvo unutrašnjih poslova Kantona Sarajevo
- JU Zavod za bolesti ovisnosti KS
- KPZ Zenica
- KPZ Sarajevo
- Općinski sud i Tužilaštvo Kantona Sarajevo
- Osnovne i srednje škole u Kantonu Sarajevo
- Fakultet političkih nauka u Sarajevu
- Filozofski fakultet Istočno Sarajevo
- Filozofski fakultet u Sarajevu
- Udruženje za prevenciju ovisnosti "NARKO-NE"
- Ministarstvo pravde Federacije BiH
- Asocijacija socijalnih radnika Kantona Sarajevo
- Ustanova za smještaj, rehabilitaciju i resocijalizaciju korisnika psihoaktivnih supstanci Podgorica
- Centar za odvikavanje od ovisnosti „Marjanovac“
- Centar za rehabilitaciju ovisnika o psihoaktivnim supstancama CROP
- U.G. „Proslavi Oporavak“
- Univerzitet modernih znanosti – CKM Mostar

Nastavljena je saradnja sa kulturnim i sportskim ustanovama koje za korisnike mjesečno omogućuju besplatne ulaznice. Doprinos saradnje ovih ustanova za korisnike jeste uključivanje u

društveno prihvatljive obrazce ponašanja i kvalitetno korištenje slobodnog vremena. Obzirom na preporuke Kriznog štaba a zbog pandemije korona virusa, i ove aktivnosti su bile limitirane

Kampus je uspostavio saradnju sa fakultetima društvenih nauka, te omogućio njihovim studentima da realiziraju praksu i da stječu stručna znanja iz oblasti tretmana ovisnika o psihoaktivnim supstancama. Studenti se na početku obavljanja prakse upoznaju sa strukturom, organizacijom i programom rada Kampusu, te stječu određena teoretska i praktična znanja o principima tretmana koja će im pomoći pri praktičnom radu sa korisnicima uz mentorstvo socijalnog radnika ili psihologa. Tokom 2021. godine u Kampusu su obavljene tri studentske prakse.

Ugovor o saradnji je potpisan sa sledećim institucijama i ustanovama:

- Protokol o saradnji sa Univerzitetom modernih znanosti – CKM Mostar (02.07.2021). Ovim Protokolom o saradnji se omogućava i studentska praksa za studente smijera Kriminologija i socijalni rad.

Obezbjeđivanje dodatnih finansijskih sredstava iz Budžeta za 2021. godinu

S obzirom da smo uputili zahtjev za rebalans Budžeta u Kantonu Sarajevo za 2021. godinu u visini od 73.100,00 KM, ista su bila i odobrena. Od navedenih sredstava dio je otišao na Bruto plate i naknade plata, naknadu za topli obrok, doprinosi poslodavca i ostali doprinosi, kao i na nabavku materijala (hrane, lijekova, testova, sredstva za čišćenje i higijenu, poljoprivredni materijal i sitni inventar).

Dio sredstava je utrošen na servise kućanskih aparata i održavanje opreme, materijala za održavanje vanjske rasvete i servisiranje vozila.

Rekapitulacija broja korisnika

Programski zadaci iz prethodne godine su realizirani, ali u skladu sa odobrenim budžetskim sredstvima i u skladu sa naredbama i preporukama Kriznog štaba zbog promijenjenih okolnosti usljed pandemije COVID-19. U periodu od 01.01.2021 do 31.12.2021. godine u Kampusu ukupan broj osoba prijavljenih za tretman je 34 korisnika. Program tretmana korisnika je usklađen sa individualnim potrebama, interesima i sklonostima. Broj korisnika u tretmanu sa smještajem na osnovu Rješenja Centra za socijalni rad je 22. Ukupan broj korisnika usluga u Kampusu kojima je pružena usluga u svim djelatnostima rada u 2021.godini je 82. Ukupan broj korisnika usluga koji su smješteni u rezidencijalni tretman kojima je pružena usluga je 29. Ukupan zbirni broj korisnika usluga koji su boravili u Kampusu u Programu podrške-reintegracije i savjetovanja kojima je pružena usluga je 26. Ukupan zbirni broj korisnika koji su boravili u Kampusu na osnovu izvršenja alternativne krivične sankcije “Rad za opšte dobro na slobodi“ kojima je pružena usluga je 161, a ukupan broj zaprimljenih uputnih akata je 53.

COVID-19

Poduzete mjere prevencije zaraze koronavirusom (COVID-19)

Tokom cijele 2021. godine stanje uzrokovano pandemijom koronavirusa – COVID-19, dovelo do otežanog rada u samoj Ustanovi kao i u ustanove socijalne zaštite u kojima su smješteni korisnici usluga.

Napravljeni su različiti protokoli za ulazak dobavljača i roba u Kampus, protokoli o dezinfekciji i drugi protokoli koje je naložilo Ministarstvo za rad, socijalnu politiku, raseljena lica i izbjeglice Kantona Sarajevo. Svo vrijeme su krizni štabovi FBiH i KS nalagali mjere koje su ustanove morale poštovati. Na samom ulazu u Ustanovu postavljen je tunel za dezinfekciju i aparat za mjerenje temperature.

Nabavljane su maske i dezinfekcijska sredstva koja su dostavljana uposlenicima. Kako bi se smanjila koncentracija ljudi koji su prisutni u Kampusu napravljen je raspored uposlenika kako bi se prilagodili preporukama Kriznog štaba s ciljem prevencije zaraze koronavirusom COVID-19.

U ovom periodu nijedan korisnik nije bio zaražen koronavirusom COVID-19. Više uposlenika je bilo u samoizolaciji zbog kontakata sa zaraženim osobama, te nisu dolazili na posao kako bi se spriječio eventualni prenos virusa na korisnike i druge uposlenike.

Problemi u radu

Problemi s kojima se Ustanova suočava

- Infrastruktura objekata nije adekvatna, nema dovoljno prostora, niti je namijenjena za kancelarijski rad

S obzirom da su objekti primarno napravljeni za boravak korisnika, odnosno da su rezidencijalnog karaktera, infrastruktura objekata nije predviđena za rad administracije i stručnih službi. Predlažemo da se izdvoji novac kako bi izmjestili administrativne radnike u iznajmljene prostorije u blizini resornog Ministarstva, što je ranije bila praksa. Na ovaj način bi olakšali komunikaciju, uštedili vrijeme i novac za gorivo i omogućili nesmetan rad administracije i drugih stručnih poslova u skladu sa Zakonom o kancelarijskom poslovanju i Zakona o zaštiti na radu. Također, na ovaj način bi oslobodili prostor za boravak korisnika i terapijski rad s njima.

- Nedovoljna sredstva iz budžeta Kantona Sarajevo za nabavku hrane za korisnike

Kampus je jedna od rijetkih ustanova iz resora socijalne zaštite koja je bila nagrađena Plaketom Kantona Sarajevo za doprinos u razvoju Kantona Sarajevo u oblasti društvenih djelatnosti kroz tretman i rehabilitaciju ovisnika, sa zavidnim rezultatima. U poređenju sa prethodnim godinama, kada smo imali najbolje rezultate u radu i daleko veći budžet, zadnjih godina rebelansima budžeta, rad Kampusu je doveden na rub egzistencije i osnovnog funkcionisanja. Danas je Kampus u izuzetnoj teškoj finansijskoj situaciji, jer se po obroku korisnika izdvaja u prosjeku 0,59 KM. Smatramo da je nužno i hitno izvršiti povećanje na stavci za nabavku hrane za korisnike Kampusu, jer trenutno raspoloživa sredstva nisu dovoljna da bi se obezbijedila normalna ishrana svih naših korisnika usluga.

- Adaptacija objekata u kojima borave korisnici

U decembru 2020.godine, Kampus je angažovao stručno lice- sudskog vještaka građevinske struke koji je izvršio nadzor nad objektima i izradio elaborat o stanju istih. Kampusu je dostavljen nalaz i mišljenje sa finansijskim proračunom i procjenama o adaptaciji navedenih objekata. Napominjemo da su postojeći objekti nalaze u izvornom stanju od dana tehničkog prijema i da je neophodno izvršiti


slijedeće adaptacije: Priključak na gradsku vodovodnu mrežu, zamjena crijepa/pokrova na objektima, riješiti problem preopterećene elektroinstalacijske mreže zbog izazivanja mogućnosti požara, gromobranske instalacije, renoviranje mokrih čvorova i kupaonica i problem sa odvozom fekalnog otpada i bioprečišćivača, asfaltiranje prilaznog puta do Ustanove.

- Realizacija alternativne krivične sankcije "Rad za opšte dobro na slobodi" na osnovu Ugovora sa Ministarstvom pravde i uprave Kantona Sarajevo

Kampus realizuje spomenute mjere na godišnjem nivou u prosjeku za 38 osuđenika. Neophodno je napomenuti da radnici koji sprovode ovu mjeru nemaju posebne/otežane uslove za rad sa osuđenima kao što je praksa u drugim institucijama koji rade sa istom populacijom. Osuđenici koji dođu u Kampus nemaju obezbjeđeno zdravstveno osiguranje koje je Ministarstvo pravde i uprave KS dosad nije regulisalo na bilo koji način. Napominjemo da nepostoji adekvatan prostor za smještaj osuđenika, niti materijalno-tehnička sredstva za rad sa osuđenima, kako bi se isti odvojili od korisnika koji u tretmanu. Osuđenici trenutno koriste prostor predviđen za rad sa korisnicima. Sve navedeni nedostaci padaju na teret i budžet Kampusu.

- Izmjene i dopune Zakona o socijalnoj zaštiti

S obzirom da se svakodnevno javlja veliki broj zainteresovanih korisnika iz cijele BiH, kao i stranih državljana koji su porijeklom iz BiH, neophodno je izvršiti izmjenu i dopunu postojećeg Zakona koji nas stavlja u poziciju da odbijamo naše sugrađane koji imaju potrebu za liječenjem. Radi važećih zakonskih propisa prethodno spomenuta lica koja nisu iz Kantona Sarajevo ne ispunjavaju uslove za prijem, iako važeći federalni zakoni i propisi iz oblasti socijalne i zdravstvene zaštite ne prepoznaju teritorijalna ograničenja.

Broj: 31-01-01-  **/22**

Datum: 15.04.2022. godine

